

Na osnovu člana 3, 21. i člana 22. st.2) Zakona o kolektivnom ostvarivanju autorskog i srodnih prava (Sl.glasnik BiH 63/10) te člana 19. i dijeka X Statuta Udruženja Original za ostvarivanje i zaštitu reprodukcijskih prava (dalje: Udruženje Original), Skupština Udruženja na redovnoj sjednici dana 25.06.2024.godine usvaja:

GODIŠNJI PLAN RASPODJELE PRIKUPLJENIH NAKNADA ZA 2023.GODINU

Član 1.

Godišnjim planom se utvrđuje plan raspodjele ubranih naknada za 2023.godinu.

Ovim planom se utvrđuju kriteriji i opšta načela raspodjele, u skladu sa Pravilnikom o raspodjeli Udruženja.

Član 2.

Raspodjela autorskih naknada u raspodjeli 2023.vrši se prema principu:

- objektivna dostupnost djela po sistemu bodovanja.

Član 3.

Podaci koji su prikupljeni i neophodni za raspodjelu se odnose na:

- a) autore
- b) izdavače.

Svi podaci potrebni za raspodjelu će biti kompletirani u skladu sa međunarodnim standardima u kreiranoj bazi podataka i imaju se smatrati ispravnim.

Član 4.

Ukoliko djelo nije prijavljeno, Udruženje će se rukovoditi podacima kojima raspolaže.

Žalbe i korekcije se vrše na osnovu člana 28. Pravilnika o raspodjeli.

Član 5.

Ukupno naplaćena autorska naknada, nakon odbitaka troškova rada Udruženja i vraćanja dijela pozajmica, kao i svih potrebnih fiskalnih odbijanja u skladu sa važećim zakonima, raspodjeljuje se nosiocima prava.

Ukupan iznos za raspodjelu za 2023.godinu je 50.000,00 KM.

Član 6.

Autorska naknada u raspodjeli se dijeli između nosioca prava:

- 50% autori

- 50% izdavači.

Član 7.

Autorske naknade se obračunavaju i isplaćuju bh nosiocima prava, u skladu sa odredbama Pravilnika o raspodjeli i bilateralnih ugovora B tipa.

Rezervacija za inostrane nosioce prava iznosi 5%.

Član 8.

Za domaće nosioce prava obavlja se pojedinačni obračun i isplata autorskih naknada.

Pojedinačni obračun se dostavlja nosiocima prava nakon isplate.

Član 9.

Iznos naknade nakon raspodjele uključuje pripadajuće poreze i doprinose koji su propisani važećim zakonima (bruto iznosi). Po odbitku i izmirenju ovih obaveza od strane Udruženja, nosiocima prava se isplaćuje neto iznos.

Troškove bankarskih transakcija snosi Udruženje, oni se ne plaćaju iz pojedinačnih iznosa bruto naknada.

Član 10.

Autorske naknade se isplaćuju samo ako neto iznos za isplatu prelazi 50,00 KM (član 27. Pravilnika o raspodjeli). Iznosi ispod propisanog minimuma se knjiže u korist nosioca prava i isplaćuju u onoj reparticijskoj godini kada njihov zbir pređe određeni minimum.

Na pisani zahtjev nosioca prava može biti isplaćena autorska naknada bez obzira na visinu naknade.

Član 11.

Svi podaci o ostvarenim autorskim naknadama pojedinih nosilaca prava su službena tajna. Podaci su zaštićeni propisima o zaštiti ličnih podataka. Ovi podaci se mogu dati samo na zahtjev nosioca prava kojem pripadaju, njegovog opunomoćenika ili na zahtjev suda.

Član 12.

Prije obračuna pojedinačnih naknada, iz distribucione mase se oduzimaju sredstva za fond za naknadne uplate nepoznatim nosiocima prava formiranim u tekućoj poslovnoj godini (rezervisana sredstva), sredstva za isplate stranim društvima, te sredstva za kulturne i socijalne namjene ako su planirana.

Član 13.

Sredstva za kulturne i socijalne namjene neće biti izdvojena u ovoj raspodjeli.

Član 14.

Isplata naknada nosiocima prava će biti izvršena do 31.12.2024. godine.

Član 15.

Sve isplate će biti obavljene u skladu sa dostavljenim podacima, bez obzira na kategoriju nosilaca prava (autori i izdavači).

Član 16.

Plan raspodjele stupa na snagu danom donošenja.

Sarajevo, 25.06.2024.

Broj: 18/24



Predsjednik Skupštine

Budislav Vojinović